

Prvi zamjenik visokog predstavnika sastao se s italijanskim senatorom Sonegom



Prvi zamjenik visokog predstavnika, Bruce Berton, sastao se s predsjedateljem parlamentarne delegacije Italije pri Parlamentarnoj skupštini Središnje europske inicijative, senatorom Lodovicom Sonegom, i razgovarao s njim o političkoj situaciji u Bosni i Hercegovini.

“Obnovljeno opredjeljenje vlasti BiH da zemlju povedu naprijed na dugom, ali izvodivom putu euroatlantskih integracija, nešto je što najtoplije pozdravljamo. Reformski proces se mora ubrzati i za to će Bosni i Hercegovini biti potrebna sva pomoć koju može dobiti. Međunarodna zajednica će biti tu da podrži težnje BiH”, rekao je prvi zamjenik Berton.

Prvi zamjenik visokog predstavnika Berton zahvalio je senatoru Sonegu na opredijeljenosti Italije da pomogne Bosni i Hercegovini i njenim građanima, te za stalnu podršku Italije radu OHR-a i njenom doprinosu naporima međunarodne zajednice u Bosni i Hercegovini.